



كِرَاءَان نَغَرِي كَدَاه دَارُ الْاَمَانِ

KERAJAAN NEGERI KEDAH DARUL AMAN

PEJABAT KEWANGAN DAN PERBENDAHARAAN

NEGERI KEDAH DARUL AMAN

ARAS 3, BLOK E, WISMA DARUL AMAN

05503 ALOR SETAR, KEDAH DARUL AMAN

Telefon : 04-702 7795

Laman Web : pkpk.kedah.gov.my

E-mail : pkpk@kedah.gov.my

كِدَاه سَجَاهْتِرَا
KEDAH SEJAHTERA
NIKMAT UNTUK SEMUA

Ruj. Kami : (6) dlm PKw.N(K) 1521 Jld 4

Tarikh : 20 Ramadan 1444 H

11 April 2023 M

**SEMUA KETUA JABATAN
NEGERI KEDAH DARUL AMAN**

YB Dato' Paduka / YB Dato' / YAA Dato' / YBhg Dato' /Tuan / Puan,

PEKELILING PERBENDAHARAAN NEGERI BIL 2/2023
PERATURAN BANTUAN KHAS KEWANGAN AIDILFITRI TAHUN 2023

1. TUJUAN

Pekeliling ini bertujuan untuk melaksanakan keputusan Kerajaan Negeri berkaitan Bantuan Khas Kewangan Aidilfitri Tahun 2023 kepada pegawai Perkhidmatan Awam Negeri Kedah Darul Aman.

2. LATAR BELAKANG

Kerajaan telah memutuskan supaya Bantuan Khas Kewangan Aidilfitri Tahun 2023 sebanyak RM1,000.00 dibayar kepada semua gred Pegawai Perkhidmatan Awam Negeri termasuk lantikan kontrak dan Anggota Pentadbiran Kerajaan Negeri Kedah Darul Aman.

3. PERATURAN PERLAKSANAAN PEMBAYARAN

3.1 Bantuan Khas Kewangan Aidilfitri Tahun 2023 ini akan diberi kepada semua Pegawai Perkhidmatan Awam Negeri Kedah Darul Aman **yang masih berkhidmat sehingga 18 April 2023**. Bayaran ini akan dibuat secara **prorata** berdasarkan bilangan hari perkhidmatan sepanjang 1 Januari hingga 18 April 2023.

3.2 Bagi pegawai negeri yang bertukar keluar ke Badan Berkanun Negeri dan Pihak Berkuasa Tempatan, Bantuan Khas Kewangan Aidilfitri Tahun 2023 hendaklah dibayar oleh agensi yang menerima pegawai. Manakala bagi pegawai yang bertukar dari Badan Berkanun Negeri dan Pihak Berkuasa Tempatan ke Jabatan Negeri, bayaran akan dibuat oleh Jabatan Negeri yang berkenaan.

4. TARIKH PEMBAYARAN

Bantuan Khas Kewangan Aidilfitri Tahun 2023 sebanyak RM1,000.00 ini akan dibayar pada **18 April 2023**.

5. PEGAWAI / ANGGOTA PENTADBIRAN KERAJAAN NEGERI YANG LAYAK DIBAYAR

Tertakluk kepada perenggan 3 di atas, pegawai yang layak diberi Bantuan Khas Kewangan Aidilfitri Tahun 2023 adalah seperti berikut:

- 5.1 Pegawai lantikan tetap, kontrak dan Guru Interim;
- 5.2 Pegawai yang bercuti bergaji penuh;
- 5.3 Pegawai yang bercuti separuh gaji;
- 5.4 Pegawai yang bercuti tanpa gaji (dibayar berdasarkan tempoh berkhidmat sepanjang 1 Januari hingga 18 April 2023);
- 5.5 Pegawai yang dipinjamkan termasuk ke agensi yang diasingkan pengurusan saraannya. Bantuan Khas Kewangan Aidilfitri ini akan dibayar oleh agensi yang menerima peminjaman pegawai;
- 5.6 Pemandu yang dilantik oleh Pegawai Gred Jawatan Utama B dan ke atas, serta Gred Khas A dan ke atas yang layak pemandu tetap tetapi tidak disediakan pemandu oleh jabatannya;
- 5.7 Pegawai lantikan baharu (hendaklah berkhidmat sekurang-kurangnya 30 hari dalam tahun 2023);
- 5.8 Pegawai kontrak yang berkhidmat sepanjang 1 Januari 2023 hingga 18 April 2023 ditukar lantik ke jawatan tetap di jabatan negeri; dan
- 5.9 Anggota Pentadbiran Kerajaan Negeri Kedah.

6. PEGAWAI YANG TIDAK LAYAK DIBAYAR

Pegawai yang tidak layak diberi Bantuan Khas Kewangan Aidilfitri Tahun 2023 adalah :

- 6.1 Pegawai yang dikenakan hukuman tatatertib dalam tempoh 1 Januari 2023 hingga 18 April 2023;
- 6.2 Pegawai yang ditamatkan perkhidmatan demi kepentingan awam dalam tempoh 1 Januari 2023 hingga 18 April 2023;

- 6.3 Pegawai yang meletak jawatan dalam tempoh 1 Januari 2023 hingga 18 April 2023;
- 6.4 Pegawai yang bersara dalam tempoh 1 Januari 2023 hingga 18 April 2023; dan
- 6.5 Pegawai yang meninggal dunia dalam tempoh 1 Januari 2023 hingga 18 April 2023.

7. PEGAWAI YANG DITANGGUHKAN BANTUAN KHAS KEWANGAN AIDILFITRI

Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib ditangguhkan Bantuan Khas Kewangan Aidilfitri Tahun 2023 ini. Pegawai hanya layak diberi Bantuan Khas Kewangan Aidilfitri Tahun 2023 sekiranya Pihak Berkuasa Tatatertib mendapati pegawai tersebut tidak bersalah.

8. PEKERJA SAMBILAN HARIAN (PSH)

Bantuan Khas Kewangan Aidilfitri Tahun 2023 sebanyak RM1,000.00 dipanjangkan kepada PSH yang masih berkhidmat pada 18 April 2023 dengan syarat tempoh kontraknya telah berkuat kuasa sekurang kurangnya 30 hari dalam tempoh 1 Januari 2023 hingga 18 April 2023.

9. PERATURAN PERLAKSANAAN BANTUAN KHAS KEWANGAN AIDILFITRI TAHUN 2023

- 9.1 Bayaran bagi pegawai-pegawai Perkhidmatan Awam Negeri di mana gajinya dibayar melalui sistem gaji berkomputer (payroll) perkara berikut hendaklah dipatuhi:-
 - i. Perbendaharaan Negeri akan mengeluarkan Laporan G004.
 - ii. Jabatan hendaklah mencetak dan menyemak amaun bayaran Bantuan Khas Kewangan Aidilfitri Tahun 2023 di Laporan G004 terutama sekali bagi mereka yang tidak layak menerima bayaran sepenuhnya atau yang memerlukan kiraan prorata.

**Contoh perkiraan : RM1000 x HARI BERKHIDMAT
108 HARI**

iii. Sebarang pindaan di Laporan G004 tidak dibenarkan kecuali bagi kes-kes berikut:

- a) Bersara
- b) Meninggal dunia
- c) Tindakan tatatertib
- d) Letak Jawatan
- e) Cuti Tanpa Gaji

Adalah menjadi tanggungjawab Ketua Jabatan mengutip semula atau memotong sepenuhnya daripada gaji bulan berikut amaun yang tidak layak diterima oleh seseorang pegawai Perkhidmatan Awam Negeri; dan

iv. Laporan G004 hendaklah disahkan oleh Ketua Jabatan :-

“Dengan ini disahkan bahawa maklumat / data Laporan G004 (termasuk pindaan) adalah betul dan tidak berlaku pembayaran dua kali atau pembayaran dibuat lebih. Jika berlaku Jabatan saya bertanggungjawab memungut balik lebihan tersebut..”

(Tandatangan & Cop Jabatan)

v. Laporan yang telah disahkan hendaklah dihantar kepada Perbendaharaan Negeri Kedah Darul Aman selewat-lewatnya pada hari **Rabu, 12 April 2023 jam 12.00 tengah hari. Jabatan yang gagal berbuat demikian menyebabkan Bantuan Khas Kewangan Aidilfitri Tahun 2023 dibayar lewat.**

vi. Bagi pegawai Perkhidmatan Awam Negeri yang tidak tersenarai dalam Laporan G004 Bantuan Khas Kewangan Aidilfitri Tahun 2023 hendaklah dibayar melalui baucar berasingan serta merta.

9.2 Pembayaran Melalui Baucar Berasingan

Bantuan Khas Kewangan Aidilfitri Tahun 2023 yang dibayar melalui baucar berasingan hendaklah disertakan penyata perubahan Kew. 8 dan dokumen sokongan yang lain.

9.3 Pelarasan Untuk Bantuan Khas Kewangan Aidilfitri Tahun 2023

Pelarasan yang sewajarnya jika perlu hendaklah dibuat oleh Jabatan dalam tahun 2023 sahaja.

9.4 Kod urus niaga yang perlu digunakan bagi bayaran Bantuan Khas Kewangan Aidilfitri 2023 adalah seperti berikut:-

KOD SODO

PERIHAL

B0117102

Bantuan Khas Kewangan Aidilfitri Tahun 2023

B0229306

**Bantuan Khas Kewangan Aidilfitri Tahun 2023
Pekerja sementara / sambilan yang tidak
menyandang jawatan tetap.**

10. TANGGUNGJAWAB PEMBAYARAN

Pembayaran Bantuan Khas Kewangan Aidilfitri Tahun 2023 ini adalah menjadi tanggungan jabatan di mana pegawai berkhidmat pada tarikh pembayaran.

11. TARIKH KUAT KUASA

Pekeliling ini berkuatkuasa mulai tarikh ia dikeluarkan.

Sekian, terima kasih.

“BERKHIDMAT UNTUK NEGARA”

“KEDAH SEJAHTERA-NIKMAT UNTUK SEMUA”

Saya yang menjalankan amanah,



(ABDUL MAJID BIN SALLEH, C.A.(M)., CPA(M))

Bendahari Negeri

b.p. Pegawai Kewangan Negeri

Kedah Darul Aman

Tel : 04-7027770 / 7771 / 7772 / 7773 / 7774

Emel : pkpk_emolumen@kedah.gov.my

s.k. YB Dato' Paduka Setiausaha Kerajaan Negeri Kedah Darul Aman

YB Dato' Pegawai Kewangan Negeri Kedah Darul Aman

Pengarah Audit Negara, Negeri Kedah Darul Aman